

Reglemènt Vastelaovesoptoch

VV de Doale

1. De optoch wurd georganisaerd door vastelaovesvereniging de Doale.
2. Insjrieve veur d'n optoch is muigelik pès de **dónderdigaovend veur de vasteloavend, aevel véur 17:11 oer!** Insjrieve via www.doale.nl
3. Alle deilnummesj aan d'n optoch waere verzóch uterlik óm **13 oere 45** oppe plaatsj van de opsjtèlling te zeen. De opsjtèllingsplaatsj wurd jaorliks bekèndgemaak in de Tääterie en oppe websait van VV de Doale.
4. Ónger d'n optoch deint uch optochnummer goud zichbaar te zeen.
5. Laot ónger d'n optoch gein läöker valle en sjloet oppe tied aan, mer loup oug neit te kort oppe deilnummer veur uch óm te veurkómme dat 't pebliek uch euverzuut. 15 Maeter aafsjtandj is aan te bevaele.
6. Óm d'n optoch vlot en lekker te laote verloupe vraog v'r uch óm neit ónneudig te blieve sjtilsjtaon of achteroet te loupe. Ein korte prissentasje is neit verkeerd, mer laot daodoor gein läöker valle.
7. Volg aanwiesinge van de optochbegeleijesj en/ of de organisasie ummer op. Doot g'r dat neit en versjteurt g'r daomit 't gouwe verloup van d'n optoch, dan zulle veer de sjurie advizaere óm uch neit in aanmerking te laote kómme veur eine pries. Bie probleme kènt geer oug bie dees begeleijesj óm hulp vraoge.
8. Gebroek van ein kònfettiekanòn is vanwaege de veiligheid neit toegesjtange. 't Gooie of sjtruije van zandj, zaegsel, mès, pepiere sjlierte van pepierversnipperaesj, plestik en aluminium kònfettie/sjnippesj is van gemeintewaege oug neit toegesjtange.
9. 't Aopelik gebroek van alkehol in d'n optoch wurd neit op pries gesjteld. Veur sjeffäörs wurd vanzellefsjpraekend verwach dat zie nuchter zeen en blieve. De plisse kóntrellaere dao regelmaotig op. Oug deine sjeffäörs in 't bezit te zeen van ein geljig riebewies beheurende bie 't väärtuug dat ze besjture.
10. 't Sjprik vanzelf dat meziek dae door de deilnummesj gebrach wurd, de luuj doorgaons verammezaert en oetneudigt tot mitzènge en mitdoon. Té helle meziek aevel (> 95dB(A)) is veur de luuj langs de kantj (en zeker veur klein kènjer) neit plezaerig en wurd daoròm oug door de organisasie neit op pries gesjteld. De organisasie of de optochbegeleijesj zulle uch in dat geval vraoge óm de volumeknóp trök te dreje (laes oug nog ens artikel 7).
11. Kwetsjende oetbeeldinge van luuj of symbole oet 't eige geluif of 't geluif van angesjdènkende waere oetgesjlaote van optochdeilname. Dat giltj in feite veur alle oetbeeldinge die aansjtootgaevend zeen.

12. Vastelaoveswages deine de ganse optoch te kenne doorloupe en mouge daoróm neit langer zeen dan 15 maeter (mit trèkker). De breidte moug maksimaal 3 maeter 20 zeen en de heugte neit mer dan 5 maeter. Es de wage wurd getròkke door eine trekker, moug dae neit groter zeen dan eine kleine Jeep of trakter, 't leifs "vastelaoveswaerdig" aangekleid.
13. Alle vastelaoveswages en väärtuge diene door de deilnummer verzekerd te zeen (WA)
14. Alle vastelaoveswages deine begeleid te waere door twee vaste begeleijesj van betreffende buurt/vereniging/gróp.
15. Aanwiesing van de plisse, brandjwaer en/of anger mit toezich belaste persone, deine ten alle tieje te waere opgevolg ouch es die – in t algemeen belang – aafwieke van 't reglemènt!
16. Vastelaovesvereniging de Doale dreug gein verantjwoording veur óngelökke die zich veur, nao of ónger d'n optoch veurdoon: **jederein deit mit of kik op eige risiko.**
17. Deilname aan de optoch beteikent dat geer uch es deilnummer ònveurwaardelik kònfermaert aan dit optochreglemènt. De organisatie behiltj zich 't rech veur òm jederein dae zich neit hiltj aan ein of meerdere veursjifte zo wie baovesjtaond bepaold en vasgelag, oet te sjeite van de priesse of de deilname aan de optoch te òntzègke!
18. Dao-in wó dit reglement neit in veurzuut besjlis vastelaovesvereniging de Doale of de vanoet de vastelaovesvereniging aangesjtelde optochbegeleijesj.